

EDISI 10
NOVEMBER 2017

BULETIN@JPA

Peneraju Transformasi Perkhidmatan Awam

 www.jpa.gov.my

 Jabatan
Perkhidmatan Awam

 @jpa2day

 @jpa2day

 Jabatan
Perkhidmatan Awam



**Majlis Sambutan Maulidur Rasul SAW
Peringkat Kebangsaan
Tahun 1439H/2017M**

Muka Surat 3



Muka Surat 6

Hari Inovasi Dan Kecemerlangan
(HIK) JPM Tahun 2017



Muka Surat 9

Sasana Bahasa Sempena Bulan Bahasa Kebangsaan 2017

KANDUNGAN

PERISTIWA KHAS

3

Majlis Sambutan Maulidur Rasul SAW Peringkat Kebangsaan Tahun 1439H/2017M

4

PROGRAM JPA

Perhimpunan Bulanan JPA Bagi Bulan November 2017

5

Program Ekspresi Negaraku 2017

6

Hari Inovasi dan Kecemerlangan (HIK) JPM Tahun 2017

7-8

Sambutan Hari Integriti JPA dan Program Bulan Bahasa Kebangsaan Peringkat JPA Tahun 2017

9

Sasana Bahasa Sempena Bulan Bahasa Kebangsaan 2017

10

Program Pemantapan Akauntabiliti Penjawat Awam

11

Bengkel Kemahiran Baharu (*Emerging Skills*) Perkhidmatan Awam

12

Seminar Isu-Isu Semasa Kewangan Bagi Pegawai KPM dan KKM Tahun 2017

13

INTAN Talk Series on National Blue Ocean Strategy (NBOS) 2017

14

Majlis Penghargaan dan Penyampaian Sijil kepada Ambassadors BOS Online

15

Majlis Amanat Ketua Setiausaha Negara Sempena Penyampaian Surat Kenaikan Pangkat Pegawai Perkhidmatan Awam Persekutuan

16

Seminar Perancangan Strategik JPA 2017

INFO UMUM

17

Info Pesara

18

Forum Pasca Bajet 2018: Satu Analisis

19

Kuasa Pelukan (*Power of Hugs*)

DIARI JPA

20-21

Program JPA

Kunjungan Hormat KPPA

22

SELAMAT DATANG KE JPA!

23

TAHNIAH WARGA JPA!

Majlis Sambutan Maulidur Rasul Peringkat Kebangsaan Tahun 1439H/2017M

Maulidur Rasul merupakan hari keputeraan Nabi Muhammad S.A.W. yang jatuh pada 12 Rabiulawal dalam takwim Islam. Kelahiran Nabi Muhammad SAW ini merupakan satu nikmat dan rahmat kepada seluruh alam. Nabi Muhammad SAW diutuskan oleh Allah SWT untuk menyempurnakan seluruh ajaran dan syariat Islam dengan membimbing dan memimpin seluruh umat manusia seperti firman Allah SWT di dalam surah Al-Anbiya' ayat 107 yang bermaksud:

"Dan tidaklah kami utuskan Engkau (Muhammad) melainkan sebagai rahmat ke seluruh alam".

Kelahiran Nabi Muhammad SAW di tengah-tengah kejahanan masyarakat Arab pada ketika itu juga telah membawa satu transformasi terunggul di dalam lembaran sejarah dunia peradaban Islam. Risalah baginda berpaksikan wahyu Ilahi bertujuan untuk melahirkan umat Islam yang mengesakan Allah SWT tidak ternoktah di Semenanjung Tanah Arab sahaja, tetapi meliputi seluruh benua, bangsa dan keturunan di dunia ini.

Sebagai tanda penghormatan kepada junjungan besar Nabi Muhammad S.A.W., majlis sambutan Maulidur Rasul peringkat kebangsaan telah diadakan di Masjid Wilayah, Kuala Lumpur pada 1 Disember 2017. Hadir sama pada majlis ini adalah DYMM Yang di-Pertuan Agong, Sultan Muhammad V, Perdana Menteri, YAB Dato' Sri Mohd Najib Tun Razak dan Timbalan Perdana Menteri, YAB Dato' Seri Dr. Ahmad Zahid Hamidi.

Bertemakan "Kesatuan Ummah Kesejahteraan Negara", sambutan Maulidur Rasul pada kali ini menekankan kepada kesatuan ummah. Ianya sangat penting sebagai pembinaan asas dalam sesebuah institusi kekeluargaan yang dapat menyemai semangat patriotisme di dalam diri setiap ummah di negara ini.

Dalam majlis ini, turut disampaikan Anugerah Perdana Maulidur Rasul Peringkat Kebangsaan kepada Datuk Dr. Muhammad Afifi Al-Akiti, Pensyarah Bidang Pengajian Islam di Fakulti Teologi, Universiti Oxford atas jasa dan bakti beliau dalam memartabatkan syiar Islam di peringkat kebangsaan dan global yang telah diiktiraf oleh pelbagai pihak.



DYMM Yang di-Pertuan Agong, Sultan Muhammad V menyampaikan Anugerah Perdana Maulidur Rasul Peringkat Kebangsaan kepada Datuk Dr. Muhammad Afifi Al-Akiti sambil disaksikan Perdana Menteri, Dato' Sri Mohd Najib Tun Razak dan Timbalan Perdana Menteri, Dato' Seri Dr. Ahmad Zahid Hamidi pada Majlis Sambutan Maulidur Rasul Peringkat Kebangsaan di Masjid Wilayah, Kuala Lumpur.



Perhimpunan Bulanan JPA Bagi Bulan November 2017

Oleh: Bahagian Pembangunan Modal Insan (BMI)

Bahagian Pembangunan Modal Insan (BMI), JPA telah diberi mandat untuk menganjurkan Perhimpunan Bulanan JPA bagi Bulan November pada 14 November yang lalu.

Penganjuran Perhimpunan Bulanan JPA oleh BMI memang sentiasa dinanti-nantikan warga JPA pada setiap tahun kerana tayangan filem pendek hasil kreativiti warga BMI. Ini menyebabkan Auditorium JPA pada hari tersebut penuh dan sesak dengan warga JPA!



Pihak Pengurusan Tertinggi JPA bersama warga JPA di Perhimpunan Bulanan JPA Bulan November 2017

Tema perhimpunan kali ini iaitu ‘Membudaya Integriti, Memperkasa Transformasi’ mengetengahkan prinsip integriti yang sangat dituntut sebagai penjawat awam pada setiap masa. Langkah ini bertepatan dengan sambutan Bulan Integriti oleh seluruh warga Perkhidmatan Awam pada bulan November.

Pada perhimpunan bulanan JPA kali ini, BMI telah menampilkan tayangan video pendek bertajuk “Amanah” yang membawa mesej tentang kepentingan integriti dalam kehidupan sehari-hari. Filem pendek berdurasi 4 minit tersebut turut sarat dengan pengajaran dan impak yang mungkin berlaku kepada diri sendiri mahupun orang yang tersayang sekiranya integriti dikompromi.

Selain itu, pihak Jabatan Penjara Malaysia juga telah dijemput untuk mengadakan pameran mengenai proses pengendalian banduan di penjara yang turut memaparkan video hukuman sebat terhadap pesalah jenayah rogol dan bunuh. Unit Integriti JPA juga turut membuat pameran berhubung integriti perkhidmatan awam di ruang legar Auditorium JPA.

Dalam amanah YBhg. Tan Sri KPPA pada perhimpunan kali ini, beliau menyeru agar semua penjawat awam khususnya warga JPA untuk sentiasa memegang prinsip integriti yang utuh dan tidak menyalahgunakan kedudukan dan kuasa demi kepentingan peribadi. Rugilah bagi mereka yang tidak berintegriti kerana ia bukan sahaja boleh menggugat kesejahteraan dan kerjaya mereka malah menjelaskan keharmonian rumah tangga dan kehidupan mereka secara keseluruhannya.

Selain itu, buku ‘Transformasi Perkhidmatan Awam 2.0: Menjuarai Transformasi, Menyejahterakan Rakyat’ oleh Bahagian Transformasi Sektor Awam turut dilancarkan oleh YBhg. Tan Sri KPPA pada perhimpunan ini. Ianya sebagai salah satu inisiatif JPA dalam memperkasakan lagi proses transformasi perkhidmatan awam secara menyeluruh.

YBhg. Tan Sri KPPA juga turut menyampaikan anugerah kepada Pegawai Contoh Bulanan JPA serta hadiah kepada para pemenang kuiz dan pertandingan sempena Bulan Bahasa Kebangsaan JPA yang telah diadakan sepanjang bulan Oktober yang lalu.



Pelancaran buku Transformasi Perkhidmatan Awam 2.0: Menjuarai Transformasi, Menyejahterakan Rakyat oleh YBhg. Tan Sri KPPA di Perhimpunan Bulanan JPA Bulan November 2017

Program Ekspresi Negaraku 2017

Oleh: Unit Komunikasi Korporat (UKK)

Program Ekspresi Negaraku merupakan antara program utama peringkat nasional yang dianjurkan oleh Pejabat Perdana Menteri bersama Unit Penyelaras Pelaksanaan (ICU), JPM dengan kerjasama kementerian dan agensi yang terpilih. JPA merupakan salah satu agensi yang dipilih untuk menyertai pameran dalam Program Ekspresi Negaraku.

Program Ekspresi Negaraku dilaksanakan bertujuan untuk menyemarakkan semangat cintakan negara. Disamping itu, ia sebagai satu platform untuk menyebarluaskan perkhidmatan

yang disediakan oleh agensi kerajaan kepada rakyat secara terus, selaras dengan hasrat YAB Perdana Menteri iaitu tahun 2017 sebagai tahun penyampaian.

Menerusi Program Ekspresi Negaraku, JPA menawarkan perkhidmatan seperti penggantian kad pesara, khidmat nasihat kepada pesara atau bakal pesara mengenai pencen dan persaraan, khidmat nasihat mengenai program penajaan JPA, semakan HRMIS, permainan interaktif berkonsepkan psikologi dan sebagainya.



Sepanjang tahun 2017 ini, Program Ekspresi Negaraku telah dilaksanakan di sembilan (9) buah tempat iaitu di lokasi-lokasi berikut:

- Wilayah Persekutuan Putrajaya
- Sungai Petani, Kedah
- Kuala Kangsar, Perak
- Sandakan, Sabah
- Pasir Puteh, Kelantan
- Melaka
- Port Dickson, Negeri Sembilan
- Dungun, Terengganu
- Petra Jaya, Kuching, Sarawak

Secara keseluruhannya, kehadiran pengunjung ke booth pameran JPA mendapat sambutan yang amat menggalakkan.



Hari Inovasi Dan Kecemerlangan (HIK) JPM Tahun 2017

Oleh: Bahagian Khidmat Pengurusan (BKP)

Hari Inovasi dan Kecemerlangan (HIK) Jabatan Perdana Menteri (JPM) Tahun 2017 yang bertemakan 'Inovasi: Suatu Realiti Baru' telah diadakan pada 1 November 2017 bertempat di Dewan Seri Siantan, Perbadanan Putrajaya. Penganjuran HIK JPM ini adalah untuk memberikan pengiktirafan kepada Jabatan/Agensi di bawah JPM yang telah mencapai kecemerlangan dalam pelbagai bidang seperti pengurusan, penghayatan inovasi, sosial serta sukan. HIK JPM 2017 juga merupakan satu usaha untuk menyemarakkan pembudayaan inovasi dan kecemerlangan di kalangan warga JPM ke arah menjadikan Perkhidmatan Awam Malaysia sebagai sebuah perkhidmatan awam yang disegani di persada antarabangsa.

Bagi HIK JPM Tahun 2017, JPA telah merangkul enam (6) anugerah yang merangkumi pelbagai bidang yang dipertandingkan seperti yang berikut:

- i) **Johan Anugerah Kumpulan Inovatif & Kreatif (KIK) 2017** (Kategori Penciptaan) melalui projek iContract dari Bahagian Pembangunan dan Pengurusan Maklumat Strategik (BPMS);
- ii) **Tempat Ketiga Anugerah Kumpulan Inovatif & Kreatif (KIK) 2017** (Kategori Penambahbaikan) melalui projek Sistem Pergerakan Pegawai (i-Gerak) dari INTAN Wilayah Utara (INTURA);
- iii) **Tempat Kedua Anugerah Inovasi JPM (AIJPM) 2016** (Kategori Produk Harapan) melalui projek Intelligent – Diploma Pentadbiran Awam (i-DPA) dari INTAN Bukit Kiara;
- iv) **Johan Pertandingan Mencipta Montaj HIK JPM 2017** oleh pasukan dari INTAN Wilayah Timur (INTIM);
- v) **Anugerah Pasukan Terbaik JPM 2016** dinobatkan kepada Kelab JPA; dan
- vi) **Anugerah Olahragawan JPM 2016** dinobatkan kepada YM Ku Mohd Syahfiq Ku Zainul dari Bahagian Perkhidmatan (BK).



Sambutan Hari Integriti JPA Dan Program Bulan Bahasa Kebangsaan Peringkat JPA Tahun 2017

Oleh: Unit Integriti (UI)



Gimik Pelancaran Program Bulan Bahasa Kebangsaan



Ucapan aluan oleh Dato' Nor Inchun Mohamed Salleh, Timbalan Ketua Pengarah Perkhidmatan Awam (Operasi)



Majlis Pelancaran Bulan Bahasa Kebangsaan Peringkat Jabatan Perkhidmatan Awam 2017 dirasmikan oleh Dato' Nor Inchun Mohamed Salleh, Timbalan Ketua Pengarah Perkhidmatan Awam (Operasi)

Bersempena dengan Sambutan Hari Integriti JPA Tahun 2017, Unit Integriti selaku urus setia induk telah menganjurkan dan memeriahkan JPA dengan beberapa aktiviti yang mengetengahkan konsep integriti di kalangan penjawat awam. Bagi mengoptimalkan sumber, Sambutan Hari Integriti JPA Tahun 2017 telah dirangkumkan sekali dengan Program Bulan Bahasa Kebangsaan Peringkat JPA Tahun 2017.

Sehubungan itu, beberapa aktiviti telah dilaksanakan seperti Pertandingan Pidato, Pertandingan Pantun Berpasukan, Pertandingan Kuiz Bahasa Melayu Dalam Talian, Pertandingan Nyanyian Lagu Tradisional dan Pertandingan Menulis Esei Bahasa Melayu yang mengetengahkan nilai-nilai integriti dalam setiap pengisian aktiviti pertandingan.

Pada 23 Oktober 2017, Pertandingan Pidato telah diadakan dengan menyaksikan 15 orang pemidato bertanding di Sudut Pengucapan Awam, Lobi C1 JPA manakala pada 24 Oktober 2017 pula, Pertandingan Pantun Berpasukan pula telah menyaksikan pertembungan 8 pasukan dari 5 Bahagian di JPA bertempat di Dewan Mezzanine JPA. Pertandingan Nyanyian Lagu Tradisional di Dewan Mezzanine JPA pada 25 Oktober

2017 pula menyaksikan 13 orang peserta bersaing dengan begitu hebat untuk merebut gelaran juara.

Selain itu, 173 penyertaan telah diterima untuk Pertandingan Kuiz Bahasa Melayu Dalam Talian manakala seramai 9 orang pegawai telah mengemukakan garapan idea masing-masing menerusi Pertandingan Menulis Esei Bahasa Melayu bertemakan 'Transformasi Nasional 2050 Berteraskan Integriti dalam Perkhidmatan'.

Akhirnya, pada 14 November 2017, menerusi Perhimpunan Bulanan JPA anjuran BMI yang bertemakan 'Membudaya Integriti, Memperkasa Transformasi', Sambutan Hari Integriti JPA Tahun 2017 dan Majlis Kemuncak Program Bulan Bahasa Kebangsaan Peringkat JPA Tahun 2017 telah diadakan bersekali. Di dalam majlis ini, acara Ikrar Penjawat Awam oleh warga JPA yang diketuai oleh Ketua Unit Integriti, YBrs. En. Asrul Shah bin Razali telah dilaksanakan. Para pemenang untuk kesemua acara yang dipertandingkan dalam Program Bulan Bahasa Kebangsaan Peringkat JPA Tahun 2017 turut menerima hadiah yang disampaikan oleh YBhg. Tan Sri Zainal Rahim Seman, Ketua Pengarah Perkhidmatan Awam.



Pertandingan Pidato Sempena Bulan Bahasa Kebangsaan Peringkat JPA 2017

SENARAI PEMENANG PROGRAM BULAN BAHASA KEBANGSAAN PERINGKAT JPA TAHUN 2017:

Pertandingan Pidato:

1. Nur Adilla bt. Abd. Rahim
Kadet Pegawai Tadbir dan Diplomatik (PTD),
Institut Tadbiran Awam Negara (INTAN)
2. Abdul Hafiz b. Mohd. Hatta
Bahagian Khidmat Pengurusan (BKP)
3. Norhayati bt. Mohd. Idris
Bahagian Penyelidikan, Perancangan dan Dasar (BPPD)

Pertandingan Pantun Berpasukan:

1. Pasukan Gemersik
Bahagian Perkhidmatan (BK)
Ahli pasukan:
Erma bt. Ahmad Khalili,
Norazlyna bt. Awang,
Nur Alwani bt. Mohammad Nasir dan
Rohafiza bt. Abd. Razak
2. Pasukan Selayang Pandang
Bahagian Penyelidikan, Perancangan dan Dasar (BPPD)
Ahli Pasukan:
Khairuzaki b. Paiman dan
Rosliza bt. Mahidi



Pertandingan Pantun Sempena Bulan Bahasa Kebangsaan Peringkat JPA 2017

Pertandingan Nyanyian Lagu Tradisional:

1. Norlaily bt. Ibrahim
Bahagian Pasca Perkhidmatan (BP)
2. Sri Ram a/l Letchimanan dan Amy Lydia bt. Adnan
Bahagian Penyelidikan, Perancangan dan Dasar (BPPD)
3. Norhidayah bt. Mat Arip
Institut Tadbiran Awam Negara (INTAN)



Pertandingan Nyanyian Lagu Traditional

Pertandingan Kuiz Bahasa Melayu Dalam Talian:

1. Siti Athirah bt. Saharudin
Bahagian Pembangunan dan Pengurusan Maklumat Strategik (BPMS)
2. Wan Noorsarabila bt. Wan Zaizodin
Bahagian Khidmat Pengurusan (BKP)
3. Mohd. Zulkarnain b. Abd. Kadir
Bahagian Perkhidmatan (BK)

Pertandingan Menulis Esei Bahasa Melayu:

1. Nur Ayuni bt. Zainal Abidin
Bahagian Penyelidikan, Perancangan dan Dasar (BPPD)
2. Zarina bt. Kadri
Bahagian Pembangunan Organisasi (BPO)
3. Mohamad Ikhwan Al-Syahid b. Abdullah Tahir
Institut Tadbiran Awam Negara (INTAN)



Pertandingan Pantun Sempena Bulan Bahasa Kebangsaan Peringkat JPA 2017

Sasana Bahasa Sempena Bulan Bahasa Kebangsaan 2017

Oleh: Bahagian Penyelidikan, Perancangan dan Dasar (BPPD)



Pengurusan tertinggi JPA bersama Ikon Pejuang Bahasa dan para Munsyi Muda Bahasa

Sasana Bahasa merupakan satu agenda kebahasaan baharu dan kreatif yang dihasilkan oleh JPA selaku Jawatankuasa Kecil Pelaksanaan Bahasa Kebangsaan Sektor Perkhidmatan Awam, dengan kerjasama Dewan Bahasa dan Pustaka dan Biro Tatanegara sebagai satu usaha menghimpunkan semua Munsyi Muda Bahasa yang telah ditauliah dan dilantik sejak tahun 2015. Cadangan ini telah diberi mandat oleh YBhg. Tan Sri KPPA melalui Mesyuarat Pengurusan Tertinggi JPA Bil. 13 Tahun 2017 bertarikh 19 Julai 2017 bagi memastikan JPA seiring memartabatkan Bahasa Melayu sebagai Bahasa Kebangsaan dalam Perkhidmatan Awam.

Dalam majlis yang telah diadakan pada 16 November 2017 di Auditorium JPA ini, Munsyi Muda Bahasa telah memperkenalkan hasil lima inisiatif yang telah dipersetujui untuk dibangunkan iaitu penghasilan buku Karya Sasana Bahasa, pameran bahasa, semakan semula Pekeliling Perkhidmatan Bil. 9 Tahun 2011, kompilasi Info Pugar Bahasa dan pembangunan Laman Sesawang Munsyi Muda Bahasa. Selain daripada itu, Sasana Bahasa akan turut dihiasi dengan Pertandingan Akhir Gegar Pidato Piala Tan Sri KPPA, persembahan puisi daripada YBhg. Dato' Rahman Shaari dan YBrs. Dr. Lim Swee Tin serta debat berirama daripada tujuh orang Munsyi Muda Bahasa serta penganugerahan Ikon Pejuang

Bahasa dan watikah pelantikan 21 orang Munsyi Muda Bahasa bagi sesi 1 tahun 2017.

YBhg. Tan Sri KPPA telah merasmikan pelancaran buku Karya Sasana Bahasa dan Laman Sesawang Munsyi Muda Bahasa serta menobatkan Encik Muamar Ghadafi Jamal Datuk Wira Jamaluddin, Presiden Majlis Belia Malaysia sebagai Ikon Pejuang Bahasa Tahun 2017. En. Mohd. Hariri bin Mohamad Daud dari Jabatan Kemajuan Islam Malaysia dianugerahkan sebagai johan Pertandingan Gegar Pidato Piala Ketua Pengarah Perkhidmatan Awam 2017. Manakala Puan Maryam Jamielah bt. Hj. Ab Manaff yang mewakili Pejabat Ketua Pendaftar Mahkamah Persekutuan dan En. Mohd. Rafee bin Mohamad dari Kementerian Pendidikan Malaysia, masing-masing telah memenangi anugerah naib johan dan tempat ketiga.

Selain daripada itu, Sasana Bahasa juga telah diselitkan dengan ceramah bertajuk 'Tegas Tapi Mesra' dalam slot Bicara Santai Bahasa yang disampaikan oleh En. Abdul Ghalib bin Yunus, seorang guru di Sekolah Menengah Seri Serdang. Majlis turut diserikan dengan nyanyian koir gabungan JPA dan Biro Tatanegara.

Program Pemantapan Akauntabiliti Penjawat Awam

Oleh: Bahagian Perkhidmatan (BK)

Untuk tahun 2017, dua (2) siri Program Pemantapan Akauntabiliti Penjawat Awam telah dilaksanakan, di mana Siri 1 telah diadakan pada 16 Oktober 2017 dan Siri 2 telah diadakan pada 6 November 2017. Dalam Siri 1 program ini, seramai 390 orang peserta telah hadir yang melibatkan Pegawai Tadbir Dan Diplomatik (PTD) dari pelbagai Kementerian dari Gred 48 Sehingga JUSA C, manakala bagi Siri 2 pula mengumpulkan seramai 380 orang Pegawai Perkhidmatan Awam, Pelbagai Skim Perkhidmatan [Gred 48 sehingga JUSA C] di Kementerian, Agensi, Jabatan dan termasuk Pejabat SUK Negeri.

Tujuan program ini diadakan adalah untuk meningkatkan serta memantapkan kesedaran akauntabiliti, integriti dan sahsiah penjawat awam dari konteks kepentingan memberikan taat setia kepada Negara serta isu-isu berkaitan penggunaan media sosial di kalangan penjawat awam. Antara pengisian utama program ini adalah sesi bersama YBhg. Dato' Mohtar bin Abd Rahman, TKPPA(P). Sesi berkenaan merupakan salah satu medium komunikasi efektif Pengurusan Tertinggi Perkhidmatan Awam kepada seluruh penjawat awam bagi berkongsi idea, aspirasi serta harapan Kerajaan berdasarkan senario semasa dalam negara.



JPA

Bengkel Kemahiran Baharu (Emerging Skills) Perkhidmatan Awam

Oleh: Bahagian Transformasi Sektor Awam (BTSA)



Gelombang Megatrends dan halatuju baharu Transformasi Nasional 2050 (TN50) telah merubah landskap penyampaian perkhidmatan awam. Sebagai langkah awal menghadapi perubahan ini, Jabatan Perkhidmatan Awam (JPA) telah melaksanakan Bengkel Kemahiran Baharu (*Emerging Skills*) Perkhidmatan Awam pada 15 – 16 November 2017 bertempat di INTAN Bukit Kiara. Tiga (3) sektor terbesar perkhidmatan awam telah dipilih sebagai permulaan iaitu pendidikan, kesihatan dan keselamatan.

Bengkel ini bertujuan untuk memastikan perkhidmatan awam bersiap siaga (*future ready*) dengan kemahiran yang relevan untuk menghadapi cabaran dan keperluan baharu untuk bersedia dengan strategi dan program serta pelan tindakan bagi memperkasakan penyampaian perkhidmatan kepada rakyat. Bagi mencapai tujuan tersebut, bengkel ini diadakan berdasarkan objektif berikut:

- @ Mengenal pasti kemahiran baharu bagi tiga (3) sektor iaitu pendidikan, kesihatan dan keselamatan untuk masa hadapan;
- ✉ Menyediakan input kemahiran baharu bagi pemerkasaan dasar pengurusan organisasi untuk masa hadapan; dan
- 💼 Menggalakkan keterlibatan kementerian/agensi dalam menentukan kemahiran baharu yang relevan dalam perkhidmatan awam untuk mendapatkan perspektif outside-in



Bengkel ini telah dihadiri oleh seramai 123 orang peserta yang terdiri daripada wakil-wakil Kementerian, jabatan dan agensi berkaitan, pihak swasta dan juga Institut Pengajian tinggi awam dan swasta serta wakil dari World Bank. Wakil dari Malaysia Industry-Government Group for High Technology (MIGHT), Malaysia Digital Economy Corporation (MDEC) dan Unit Pemodenan Tadbiran dan Perancangan Pengurusan Malaysia (MAMPU) juga telah dijemput untuk memberikan taklimat berkenaan dengan kemahiran baharu perkhidmatan awam.

Hasil dapatan dari bengkel ini akan dipanjangkan kepada Bahagian-bahagian JPA dan Kementerian yang berkaitan dalam usaha untuk menambahbaik perancangan sumber manusia.

Seminar Isu-Isu Semasa Kewangan Bagi Pegawai KPM Dan KKM Tahun 2017

Oleh: Bahagian Perkhidmatan (BK)

Bahagian Perkhidmatan (BK) telah menganjurkan Seminar Isu-Isu Semasa Kewangan Bagi Pegawai Kementerian Pendidikan Malaysia (KPM) dan Kementerian Kesihatan Malaysia (KKM) Tahun 2017 pada 8 November 2017 di Auditorium Jabatan Perkhidmatan Awam. Seminar telah dihadiri oleh 183 orang pegawai di kalangan Pegawai Perkhidmatan Pendidikan, Pegawai Perubatan, Pegawai Pergigian dan Pegawai Farmasi yang menguruskan kewangan dan perolehan di Kementerian/ Jabatan/ Agensi dari Wilayah Persekutuan Putrajaya, Kuala Lumpur, Selangor, Negeri Sembilan dan Melaka.



Ucapan aluan oleh Puan Norazian Binti Kamarudin, Timbalan Pengarah Bahagian Perkhidmatan JPA



Sesi Taklimat 'Do's and Don'ts Pengurusan Kewangan Kerajaan' oleh Encik Apandi Bin Ab Ghani dari Jabatan Akauntan Negara Malaysia

Seminar ini bertujuan memberikan kesedaran dan kefahaman mengenai peraturan dan tatacara kewangan dan perolehan dalam pengurusan kewangan kerajaan, selain memberi pendedahan kepada peserta mengenai kesilapan-kesilapan lazim yang sering dilakukan. Inisiatif ini membantu menangani kelemahan pengurusan kewangan dan perolehan kerajaan seperti yang dilaporkan dalam Laporan Ketua Audit Negara.

Seminar dimulakan dengan ceramah bertajuk *Do's and Don'ts Pengurusan Perolehan Kerajaan* yang disampaikan oleh Puan Norli Binti Karim, Timbalan Setiausaha Bahagian Perolehan dan Penswastaan KKM. Slot kedua bertajuk *Do's and Don'ts Pengurusan Kewangan Kerajaan* telah disampaikan oleh Encik Apandi Bin Ab Ghani dari Jabatan Akauntan Negara Malaysia. Slot ketiga bertajuk *Integriti dalam Pengurusan Kewangan Kerajaan* telah disampaikan oleh Tuan Mohamad Tarmize Bin Abd Manaf dari Suruhanjaya Pencegahan Rasuah Malaysia. Slot terakhir disampaikan oleh Puan Ilyani Binti Md Razak dari Unit Laporan Ketua Audit Negara dan Operasi Khas JPA bertajuk '*Lesson Learned*' daripada teguran Laporan Ketua Audit Negara.

Secara keseluruhannya, maklum balas yang diterima daripada peserta yang menghadiri seminar adalah amat memberangsangkan dan hasil soal selidik yang dijalankan menunjukkan seminar ini berjaya mencapai objektifnya dalam membantu meningkatkan kefahaman pegawai mengenai peraturan dan tatacara kewangan dan perolehan kerajaan, memberi pendedahan mengenai kesilapan-kesilapan lazim dalam pengurusan kewangan kerajaan dan meningkatkan integriti dalam pengurusan kewangan kerajaan.

INTAN Talk Series On National Blue Ocean Strategy (NBOS) 2017

Oleh: Institut Tadbiran Awam Negara (INTAN)

Pada 28 November 2017, INTAN Bukit Kiara telah menganjurkan sebuah program yang dikenali sebagai INTAN Talk Series on NBOS. Program ini bertujuan untuk memberikan kefahaman dan kesedaran di kalangan penjawat awam mengenai Strategi Lautan Biru Kebangsaan (NBOS) serta menyebarkan luas inisiatif-inisiatif NBOS.

Program yang berjalan selama setengah hari ini menampilkan dua penceramah berkaliber iaitu YBhg. Dato' Sri Haji Mohammad bin Mentek, Ketua Setiausaha Kementerian Kesejahteraan Bandar, Perumahan dan Kerajaan Tempatan (KPKT) dan YBhg. Datuk Dr. Aminuddin Hassim, Pengarah Unit Strategi Nasional (NSU), Kementerian Kewangan Malaysia. Lebih daripada 200 penjawat awam dari pelbagai gred dari semua Kementerian, Jabatan, Badan Berkanun dan Pejabat Setiausaha Kerajaan Negeri hadir pada program ini.

Sepanjang program ini berlangsung, penjawat awam didedahkan kepada intipati NBOS yang antara lain menyentuh konsep, cabaran dan inisiatif-inisiatif NBOS yang dilaksanakan oleh KP KT serta peranan NSU di dalam menyelaras pelaksanaan dan pemantauan lebih 100 inisiatif NBOS. Program diserikan lagi dengan gerai pameran NBOS oleh NSU dan jualan buku terbitan INTAN.



Barisan peserta dari pelbagai kementerian/jabatan/agensi dan Pejabat Kerajaan Negeri



Ucapan aluan Pengarah INTAN YBhg. Datuk Dr. Rose Lazemi



Taklimat mengenai "NBOS: Merentasi Sempadan, Melunas Harapan" oleh YBhg. Datuk Dr. Aminuddin Hassim, Pengarah Unit Strategi Nasional, Kementerian Kewangan



Taklimat mengenai "NBOS: Inisiatif-inisiatif KP KT" oleh YBhg. Dato' Sri Haji Mohammad bin Mentek, Ketua Setiausaha Kementerian Kesejahteraan Bandar, Perumahan dan Kerajaan Tempatan (KP KT)

Majlis Penghargaan Dan Penyampaian Sijil kepada Ambassadors BOS Online

Oleh: Institut Tadbiran Awam Negara (INTAN)



Sesi penyampaian sijil penghargaan kepada semua wakil Ambassadors dari kementerian dan Pejabat Kerajaan Negeri

Pada 17 November 2017, Institut Tadbiran Awam Negara (INTAN) telah mengadakan Majlis Penghargaan dan Penyampaian Sijil kepada Ambassadors BOS Online yang telah disempurnakan oleh YBhg. Tan Sri Zainal Rahim bin Seman, Ketua Pengarah Perkhidmatan Awam. Majlis penghargaan ini turut dihadiri oleh YBhg. Dato' Nor Inchun binti Mohamed Salleh, Timbalan Ketua Pengarah Perkhidmatan (Operasi), YBhg. Dato' Sri Abdul Rahim Mohamad Radzi, Ketua Setiausaha Kementerian Pertahanan, YBhg. Dato' Dr. Rose Lena Lazemi, Pengarah INTAN, YBhg. Dato' Dr. Syed Omar Sharifuddin bin Syed Ikhsan, Timbalan Pengarah Kanan INTAN dan Encik Gowrishankar Sundararajan, Pengarah Urusan Kanan Malaysia Blue Ocean Institute (MBOSI).



Sesi penyampaian bersama-sama YBhg. Tan Sri Zainal Rahim Seman (KPPA) dengan semua wakil Ambassadors dari kementerian dan Pejabat Kerajaan

Majlis yang berlangsung di Dewan Mezzanine Jabatan Perkhidmatan Awam ini adalah bertujuan untuk menghargai sumbangan Ambassadors terbabit sepanjang pelaksanaan kursus BOS Online 2017. Komitmen yang tinggi dan pemantauan berterusan oleh semua Ambassadors yang dilantik di semua Kementerian, Pejabat SUK Negeri, Angkatan Tentera Malaysia dan Polis Diraja Malaysia telah memastikan kejayaan

pelaksanaan kursus BOS Online 2017 yang melibatkan 180,000 penjawat awam. Seramai 40 orang daripada 120 orang yang hadir merupakan Ambassadors BOS Online yang mewakili kementerian, pejabat SUK Negeri, ATM dan PDRM telah menerima sijil penghargaan daripada YBhg. Tan Sri KPPA.

Majlis Amanat Ketua Setiausaha Negara Sempena Penyampaian Surat Kenaikan Pangkat Pegawai Perkhidmatan Awam Persekutuan

Oleh: Bahagian Perkhidmatan (BK)

Majlis Amanat Ketua Setiausaha Negara Sempena Penyampaian Surat Kenaikan Pangkat Kepada Pegawai Perkhidmatan Awam Persekutuan telah diadakan pada 29 November 2017 bertempat di Kementerian Wilayah Persekutuan. Seramai 388 pegawai perkhidmatan persekutuan dari pelbagai skim dan gred telah dijemput untuk mendengar amanat YBhg. Tan Sri Dr. Ali Hamsa, Ketua Setiausaha Negara dan seterusnya menerima surat kenaikan pangkat dalam majlis tersebut.

YBhg. Tan Sri Dr. Ali Hamsa dalam amanatnya menzahirkan ucapan syabas dan tahniah kepada pegawai-pegawai yang dinaikkan pangkat. Ianya merupakan satu pengiktirafan dan penghargaan ke atas khidmat bakti, prestasi serta komitmen pegawai dalam memacu kecemerlangan Perkhidmatan Awam. Beliau berharap agar tanggungjawab baharu ini dapat dilaksanakan oleh pegawai dengan penuh amanah bagi memastikan kecemerlangan Perkhidmatan Awam dan Negara.



Seminar Perancangan Strategik JPA 2017

Oleh: Bahagian Penyelidikan, Perancangan dan Dasar (BPPD)



Seminar Perancangan Strategik JPA 2017 telah diadakan pada 21 November 2017 di Hotel Bangi-Putrajaya. Seminar diadakan bertujuan untuk menilai dan memantau pencapaian prestasi JPA bagi tahun 2017 dan menetapkan perancangan Sasaran Kerja Tahun 2018 berdasarkan Pelan Strategik JPA 2017-2020 serta komitmen Bajet 2018.

Jumlah keseluruhan Sasaran Kerja Tahunan (SKT) JPA yang dilaksanakan pada tahun 2017 ialah 182 termasuk 9 KPI KPA; 19 aktiviti di bawah RMKe-11; dan 43 Aktiviti Berimpak Tinggi. Walau bagaimanapun, bagi tujuan pelaporan pencapaian prestasi JPA 2017, urusetia menumpukan pemantauan utama kepada aktiviti bagi KPI KPPA, RMKe-11 dan JPA Monitor (Aktiviti Berimpak Tinggi). Ini bermakna sebanyak 71 daripada 182 jumlah aktiviti keseluruhan JPA yang diberi fokus utama.

Antara aktiviti utama JPA pada tahun 2017 adalah Kawalan Saiz Perkhidmatan Awam, Penggunaan Sistem HRMIS, BOS Online, Program Pementoran Kepimpinan, Semakan Sistem Saran Perkhidmatan Awam dan program Pembudayaan Semangat Cintakan Negara. JPA telah terlibat aktif dalam pembudayaan semangat cintakan negara melalui penyertaan di program Ekspresi NegaraKu, sambutan Hari Kebangsaan, Hari Malaysia, Bulan Bahasa Kebangsaan, Fiesta NBOS, dan Perhimpunan 1Pesara.

Bagi perancangan Sasaran Kerja Tahun 2018, sebanyak 119 aktiviti telah dikenal pasti yang mana akan dilaksanakan di bawah 5 Teras Strategik, 13 Strategi dan 38 Program utama JPA. Antara lain program utama JPA adalah Pembangunan, Penarikan dan Pengekalan Bakat, Pengejatan dan Penstruktur Organisasi dan Pemanfaatan Teknologi ICT dalam Penyampaian Perkhidmatan.

SPS memberi peluang untuk pegawai di setiap bahagian bertukar pandangan untuk memantapkan lagi perancangan, pelaksanaan, pemantauan dan penambahbaikan inisiatif-inisiatif yang telah digariskan. Adalah penting untuk memastikan warga JPA memiliki pemikiran kreatif, gaya kepimpinan terpuji, prakarsa transformatif, idea inovasi, swadaya dan budi bahasa yang bernilai tinggi, terhimpun dalam satu pakej dan diterap dalam diri, bagi memastikan JPA berupaya memacu dan meneraju pembangunan sumber manusia perkhidmatan awam.

Kesimpulannya, Tan Sri KPPA mengingatkan ahli-ahli seminar bahawa dalam merancang strategi, penting untuk memastikan ianya mempunyai impak dan memudahkan, bukan strategi yang bersifat falsafah semata-mata. Ini kerana segala perancangan dan pelaksanaan oleh JPA adalah untuk kebaikan semua penjawat awam di Malaysia. Beliau juga menegaskan bahawa warga JPA harus memberikan perkhidmatan yang baik, sopan, menghindari sikap negatif dan emosional terhadap pelanggan.

Info Pesara

Oleh: Bahagian Pasca Perkhidmatan (BP)

! Peringatan Mesra: Jangan Pandang Mudah Pengambilan Insurans Perjalanan Ke Luar Negeri



! Nota Penting:

- ** Kerajaan tidak akan menanggung sebarang kemudahan perubatan kepada mana-mana pesara atau tanggungan pesara yang memerlukan kemudahan perubatan di luar negeri atas lawatan persendirian.

Semua pesara dan tanggungannya dinasihatkan untuk mengambil insurans perjalanan ke luar negeri bagi membiayai sebarang kemudahan perubatan sekiranya berlaku sebarang kecemasan semasa bercuti ke luar negeri. Pembelian perlindungan insurans ini adalah atas perbelanjaan sendiri dan tidak dibayai oleh kerajaan.

Bagi penjawat awam yang sedang berkhidmat pula, beberapa pekeliling, peraturan dan prosedur telah ditetapkan bagi melayakkan pembiayaan rawatan perubatan melalui kemudahan perlindungan insurans seperti mana yang tercatat di dalam peraturan-peraturan seperti berikut:

- a) **Surat Pekeliling Am Bilangan 3 tahun 2012** (Peraturan Perjalanan Pegawai Awam ke Luar Negeri Atas Urusan Persendirian)

http://www.jpm.gov.my/jp.../sites/default/files/SPA_3-2012.pdf



- b) **Pekeliling Perkhidmatan Bilangan 6 Tahun 2015** (Kemudahan Perlindungan Insurans Bagi Lawatan Persendirian ke Luar Negeri)

<http://docs.jpa.gov.my/docs/pp/2015/pp062015.pdf>



- b) Soalan-Soalan Lazim Mengenai Pekeliling Perkhidmatan Bilangan 6 Tahun 2015 (Kemudahan Perlindungan Insurans Bagi Lawatan Persendirian ke Luar Negeri)

http://docs.jpa.gov.my/docs/pp/2015/faq_pp062015.pdf

Forum Pasca Bajet 2018 : Satu Analisis

Oleh: Institut Tadbiran Awam Negara (INTAN)




Forum Pasca Bajet Negara merupakan acara tahunan INTAN yang dinanti-nantikan oleh penjawat awam bagi membincangkan isu-isu terkini berkaitan Bajet 2018. Bersempena dengan pembentangan Bajet 2018 oleh YAB Perdana Menteri selaku YAB Menteri Kewangan di Dewan Rakyat, Parlimen Malaysia pada 27 Oktober 2017, bertemakan ‘Memakmur Ekonomi Yang Inklusif, Mengimbang Keunggulan Duniawi Dan Ukhrawi Demi Mensejahtera Kehidupan Rakyat, Menuju Aspirasi TN50’ INTAN telah menganjurkan ‘Forum Pasca Bajet Negara 2018: Satu Analisis’ pada 2 November 2017 di Auditorium, INTAN Bukit Kiara.

Pada forum ini, kehadiran seramai 507 orang peserta yang terdiri daripada pelbagai jawatan telah datang mewakili kementerian dan jabatan persekutuan/negeri, badan-badan berkanun, syarikat-syarikat berkaitan Kerajaan (GLC), institusi-institusi pengajian tinggi awam serta Kongres Kesatuan Pekerja-Pekerja di dalam Perkhidmatan Awam (CUEPACS).

Bagi mengupas intipati Bajet 2018, INTAN telah menampilkan tiga ahli panel berwibawa iaitu Encik Mohd Hassan bin Ahmad, Ketua Pasukan Bajet 2018, Kementerian Kewangan Malaysia; YBhg. Dato' Charon Wardini bin Mokhzani, *Managing Director, Khazanah Research Institute (KRI)*; dan YBrs. Profesor Emeritus Dr. Zakariah bin Abdul Rashid, *Executive Director, Malaysian Institute of Economic Research (MIER)*. Sesi forum telah dikendalikan oleh YBrs. Dr. Khalid bin Abdul Hamid, Felo Penyelidik Kanan (Ekonomi dan Kewangan Antarabangsa) INTAN.

Hasil sesi panel, dapat dirumuskan bahawa Bajet 2018 adalah:

- Memberi manfaat kepada semua golongan termasuk B40 dan M40;
- Malaysia perlu bersedia mendepani Revolusi Perindustrian Keempat dan Ekonomi Digital dalam mencapai aspirasi TN50;
- Pendapatan negara boleh ditingkatkan sekiranya rakyat terlibat dengan pekerjaan-pekerjaan yang memberi nilai tambah yang tinggi (*high value added job*).
- Ini secara tidak langsung dapat meningkatkan taraf hidup isi rumah dan seterusnya memakmurkan ekonomi negara; dan
- Pemantauan (*check and balance*) dan pengauditan ke atas pelaksanaan inisiatif-inisiatif Bajet 2018 adalah penting bagi memastikan rakyat mendapat manfaat berkaitan.

**YOU SHOULD GET 12 HUGS A DAY**

- Dapat mengurangkan tahap tekanan
- Merupakan satu terapi dalam mengurangkan tekanan dan kebimbangan
- Melancarkan pengaliran darah dan menyeimbangkan sistem saraf
- Meningkatkan jati diri terutama di kalangan kanak-kanak
- Merupakan sumber motivasi dan perasaan yang baik
- Menguatkan sistem pertahanan badan
- Membantu dalam masalah tidur (*insomnia*)
- Menambahkan tenaga
- Membantu anda rasa lega dan sebagai satu sokongan saat kesulitan dan kesakitan
- Mempamerkan emosi tanpa perlu sebarang kata-kata
- Mengeluarkan oxytocin yang membuatkan rasa gembira

"Sometimes a hug is all you to make you feel better"



Pelukan Kasih Sayang
Antara Sahabat



Pelukan Kasih Sayang
Antara Adik-Beradik



Pelukan Kasih Sayang
Antara Ibu dan Anak



Pelukan Kasih Sayang
Antara Suami Isteri



Pelukan Kasih Sayang
Antara Keluarga



Pelukan Kasih Sayang
Antara Anak dan Bapa

1 NOV



Hari Inovasi Dan Kecemerlangan JPM
Tahun 2017

2 NOV



Forum Pasca Bajet Negara 2018:
Satu Analisis

5 NOV



Ekspresi Negaraku Di Kuching,
Sarawak

Diari Aktiviti JPA

6 NOV



Program Pemantapan Akauntabiliti
Penjawat Awam

8 NOV



Seminar Isu-Isu Semasa Kewangan Bagi
Pegawai KPM Dan KKM Tahun 2017

9 NOV



Bicara Eksekutif Siri 1

14 NOV



Perhimpunan Bulanan JPA Bagi
Bulan November 2017

14 NOV



Sambutan Hari Integriti JPA Dan Majlis
Kemuncak Program Bulan Bahasa
Kebangsaan Peringkat JPA Tahun 2017

15 - 16 NOV



Bengkel Kemahiran Baharu
(Emerging Skills) Perkhidmatan Awam

Diari Aktiviti JPA

16 NOV.



Sasana Bahasa Sempena Bulan Bahasa Kebangsaan 2017

20 NOV.



Kunjungan Hormat Ketua-Ketua Perwakilan Baharu Kepada KPPA

28 NOV.



Bicara Eksekutif Siri 2

30 NOV.



Majlis Sambutan Maulidur Rasul SAW Peringkat Kebangsaan Tahun 1439H/2017M

17 NOV.



Majlis Penghargaan Dan Penyampaian Sijil kepada Ambassadors BOS Online

21 NOV.



Seminar Perancangan Strategik JPA 2017

28 NOV.



INTAN Talk Series On National Blue Ocean Strategy (NBOS) 2017

19 NOV.



Fiesta NBOS #SayangMalaysia Bersama Rakyat

20 - 22 NOV.



Mesyuarat Kerja Pemukiman JPA Tahun 2017

28 NOV.



Majlis Amanat Ketua Setiausaha Negara Sempena Penyampaian Surat Kenaikan Pangkat Pegawai Perkhidmatan Awam Persekutuan

Selamat Datang Warga Baharu JPA



SURAINY BINTI HASHIM

Jawatan : Penolong Pegawai Tadbir (N36)
(Memangku)

Penempatan : Bahagian Pembangunan Modal Insan
Kuatkuasa : 6.11.17



YBHG. DATUK DR. ROSE LENA BINTI LAZEMI

Jawatan : Pegawai Tadbir Diplomatik (JUSA A)
(Memangku)


Penempatan : Institut Tadbiran Awam Negara
Kuatkuasa : 1.11.17



MAISARAH BINTI ELIAS

Jawatan : Pembantu Tadbir (P/O) (N19)
Penempatan : Unit Komunikasi Korporat

Kuatkuasa : 15.11.17



SAMAWATI BINTI BUYATI

Jawatan : Penolong Pegawai Tadbir (N36)
(Memangku)

Penempatan : Institut Tadbiran Awam Negara
Kuatkuasa : 1.11.17

Tahniah atas Kenaikan Pangkat

EDWIN ANAK RANCHANG

Jawatan : Penolong Pegawai Tadbir Gred N32
Diberikan Pemangku
Penolong Pegawai Tadbir Gred N36

Penempatan : Institut Tadbiran Awam Negara
Kuatkuasa : 1.11.17



MARSUHANA BINTI MD SAAD

Jawatan : Penolong Pegawai Tadbir Gred N32
Diberikan Pemangku
Penolong Pegawai Tadbir Gred N36

Penempatan : Institut Tadbiran Awam Negara
Kuatkuasa : 1.11.17



NOOR FAZLEEN BINTI MOHD FAZEL

Jawatan : Pembantu Setiausaha Pejabat Gred N19
Diberikan Pemangku
Pembantu Setiausaha Pejabat Gred N22

Penempatan : Bahagian Pembangunan Organisasi
Kuatkuasa : 3.11.17



NARDUAH BINTI NASIR

Jawatan : Pembantu Setiausaha Pejabat Gred N19
Diberikan Pemangku
Pembantu Setiausaha Pejabat Gred N22

Penempatan : Pejabat Penasihat Undang-undang
Kuatkuasa : 3.11.17



Terima Kasih & Selamat Maju Jaya kepada Warga JPA yang telah bertukar keluar



MOHD FIRDAUS BIN HARIS FADZILAH
Jawatan : Pegawai Tadbir Dan Diplomatik Gred 48
Dari : Institut Tadbiran Awam Negara
Ke : Jabatan Perdana Menteri
Kuatkuasa : 15.11.17



NAZARIYATUL FADZILAH BINTI ROHANA
Jawatan : Penolong Pegawai Teknologi Maklumat Gred FA29
Dari : Bahagian Perkhidmatan
Ke : Pelepasan Jawatan- Pegawai Teknologi Maklumat Gred F41
Kuatkuasa : 14.11.17



MOHD HAMDAN BIN HAJI ABDUL HAMID
Jawatan : Pembantu Kemahiran Gred H19
Dari : Bahagian Khidmat Pengurusan
Ke : Pelepasan Jawatan-penjaga Jentera Elektrik Gred J19
Kuatkuasa : 27.11.17



NORANITA BINTI RASALI
Jawatan : Pembantu Tadbir (P/O) Gred N19
Dari : Unit Komunikasi Korporat
Ke : Kementerian Dalam Negeri
Kuatkuasa : 15.11.17



AZNIE BINTI LOSO
Jawatan : Pembantu Tadbir (P/O) Gred N19
Dari : Bahagian Pembangunan Modal Insan
Ke : Kementerian Kewangan
Kuatkuasa : 2.11.17



NORFASHARINA BINTI ZAINAL
Jawatan : Pembantu Tadbir (P/o) Gred N19
Dari : Bahagian Khidmat Pengurusan
Ke : Kementerian Kewangan
Kuatkuasa : 2.11.17

Tahniah atas kenaikan Pangkat dan Selamat Bertugas ditempat baharu



MOHD ZUKI BIN ABDUL RAHMAN
Jawatan : Penolong Pegawai Tadbir Gred N32 Memangku Keluar Penolong Pegawai Tadbir Gred N36
Dari : Institut Tadbiran Awam Negara
Ke : Pejabat Setiausaha Kerajaan Negeri Perlis
Kuatkuasa : 1.11.17



NORINAI BINTI IDRIS
Jawatan : Pembantu Tadbir (Kewangan) Gred W22 Memangku Keluar Pembantu Tadbir (Kewangan) Gred W26
Dari : Jabatan Perdana Menteri
Ke : Pejabat Setiausaha Kerajaan Negeri Perlis
Kuatkuasa : 6.11.17



www.jpa.gov.my



Jabatan
Perkhidmatan Awam



@jpa2day



Jabatan
Perkhidmatan Awam



@jpa2day